



ՔԱՀԱՆԱՅԱԿԱՆ ՁԵՌՆԱԴՐՈՒԹՅՈՒՆ ԵՐԵՎԱՆԻ ՍՈՒՐԲ ՍԱՐԳԻՍ ԵԿԵՂԵՑՈՒՄ

Սույն թվականի սեպտեմբերի 5-ը և 7-ը, ուրբաթ և կիրակի օրերը, հոգևոր ուրախության և մխիթարության օրեր եղան Երեւանի Սուրբ Սարգիս եկեղեցու հոգևոր դասի և հավատացյալների համար: Ուրբաթ և կիրակի օրերին, ձեռամբ Արարատյան թեմի առաջնորդական փոխանորդ գերաշնորհ Ս. Գարեգին եպիսկոպոս Ներսիսյանի, քահանայական ձեռնադրություն և օծում ստացավ հոգևոր ձեռնարանի շրջանավարտ բարեշնորհ Սամվել սարկավազ Դանիելյանը:

Ուրախությամբ նշենք այն փաստը, որ սույն ձեռնադրությունը Ս. Գարեգին սրբապանի անդրանիկ քահանայական ձեռնադրությունն էր: Եվ առաջ անցնելով ասենք, որ ձեռնադրիչ սրբապան հոր կողմից նորընծային տրվեց Ս. Ավետիս հոգևոր անունը՝ ողպես նշան անդրանիկ քահանայական ձեռնադրության:

Սեպտեմբերի 5-ին, ուրբաթ օրը, երեկոյան, կատարվեց բարեշնորհ Սամվել սրկ. Դանիելյանի «Կոչումն քահանայության» արարողությունը՝ ըստ Ձեռնադրության Մաշտոցի:

Արարողության խարտավիլակ Ս. Արամ ավագ քահանա Բոլաջյանը վկայեց նորընծայի հոգևոր-խնայական պատրաստակամության մասին:

Կոչման արարողության ավարտին բարեշնորհ սարկավազը հրապարակորեն արտասանեց Գրիգոր Տաթևացու սահմանած Հայաստանյայց եկեղեցու «Հաւատոյ խոստովանութիւնը»՝ ըստ Ձեռնադրության Մաշտոցի:

Սեպտեմբերի 7-ին, կիրակի օրը, ս. պատարագի արարողության ընթացքին, Ս. Սարգիս եկեղեցու խնկաբույր կամարների ներքո պատարագիչ սրբապանը՝ Արարատյան թեմի առաջնորդական փոխանորդ գերաշնորհ Ս. Գարեգին եպիսկոպոս Ներսիսյանը, ձեռքը դնելով նորընծայի վրա, արտասանեց ձեռնադրության խորհրդավոր աղոթքը:

Ձեռնադրիչ սրբապան հայրը օրինությամբ և աղոթքով նորընծային շնորհեց քահանայական փիլոն, սաղավարտ, փորուրար և շուրջառ:

Օծման խորհրդավոր արարողության պահին, ձեռնադրող սրբապան հայրը ս. մեռնուով օծեց նորընծայի ճակատն ու ձեռքերը վերանվանելով հոգևոր նոր անունով:

Նորընծա Ս. Ավետիս քահանան ս. խորանից ժողովրդին տվեց իր անդրանիկ օրհնությունը՝ «Խաղաղութիւն ամենեցուն»:

Ձեռնադրության և օծման արարողությունից հետո ձեռնադրիչ Ս. Գարեգին սրբապանը ի շնորհավորումն նորընծայի խոսեց



Մի պահ ձեռնադրությունից

ոգեշունչ խրատական քարոզ՝ նշելով ձեռնադրվողի հոգևոր ծաբավը՝ ծառայելու Հայ Եկեղեցուն և հայ ժողովրդին, պատրաստակամությունը՝ լինելու քաջ հովիվ և միաթարիչ հավատացյալ ժողովրդի:

Հավարտ ս. պատարագի նորընծային շնորհավորեցին «քահանայք և սարկաւազք», ինչպես նաև ս. պատարագին ներկա գտնվող բազմաթիվ հավատացյալներ:

Տ. ԱՎԵՏԻՍ ՔԱՀԱՆԱ ԴԱՆԻԵԼՅԱՆ

Ծնվել է 1961 թվականի նոյեմբերի 12-ին Երևան քաղաքում: Նախնական կրթությունը ստացել է Երևանի Շիրվանկաթեի անվան հմր. 21 միջնակարգ դպրոցում: 1979 թվականին ավարտելով դպրոցը, ընդունվել է Երևանի հմր. 9 Պրոֆտեխնիկական ուսումնարան:

1980—1985 թթ. ընդունվել և ավարտել է Ս. Էջմիածնի հոգևոր ձեռնարանի լրիվ դասընթացը:

1984 թվականի դեկտեմբերի 25-ին Մայր տաճարում, ձեռամբ Մայր տաճարի լուսարարապետ գերշ. Տ. Հուսիկ արքեպ. Սանթուրյանի, ստացել է սարկավագական աստիճան:

1986 թ. մարտի 13-ին Տ. Ավետիս քահանա Դանիելյանը հոգևոր ձեռնարանի հարկի տակ փաղուն հաջողությամբ հանդես է եկել իր ավարտաճառի բանավոր պաշտպանությամբ՝ ներկայացնելով «Կիրակոս Երզրեկացու «Թուղթ առ Կարնեցիս» դավանաբանական-ժառանգովական աշխատությունը:

Սույն թվականի սեպտեմբերի 7-ին, ձեռամբ Արարատյան թեմի առաջնորդական փոխանորդ գերշ. Տ. Գարեգին եպս. Ներսիսյանի, ստացավ քահանայական կոչում՝ նշանակվելով ծառայության Երևանի Ս. Հովհաննես եկեղեցում:

Տ. Ավետիս քահանան երիտասարդ, խոստումնալից հոգևորականներից է՝ օժտված գրական ձիրքով:

Տ. Ավետիս քահանան իր կանոնական-ավանդական քառասունքը կանցկացնի Մայր Աթոռի խաղաղ մթնոլորտում:

«Էջմիածին» ամսագրի խմբագրությունը շնորհավորում է նորընծային և հույս հայտնում, որ նա միշտ եռանդով ու նվիրվածությամբ իր ուժերը ի սպաս կոչնի Հայ Եկեղեցու բարգավաճման շնորհակալ գործին:

ԹՂԹԱԿԻՑ

